



**Phosphorvs sive Ioannes Baptista nativitas, vita, mors**

**Cabilliau, Baudouin**

**Lovany, 1642**

Emblema 4. Implet plena suo terrore.

---

[urn:nbn:de:hbz:466:1-70001](https://nbn-resolving.org/urn:nbn:de:hbz:466:1-70001)

78  
Lacteo liquore crinea.  
Tetrius quod est vel ipso  
Angue criminis parente:  
Triste quod ter execrandus  
Virus adspuit chelydrus.  
Lilio parum decoro  
Diluis pio sub imbri.  
Nunc radi viden: ligustro  
Purius quod entescit,  
Iamque labe purus almos  
Flos inhalat hic odores,  
Gratiæque cinnamonum,  
Nardinum, crocum, thymumque.  
Suavius quid his sit auris?  
Mi puer parens salutis  
In tuæ decus coronæ  
Flos ut hic honos honori  
Candidus sit, aureisque  
Roscidam suis ut ornet  
Arborem memor coronis.

Beata Virgo Christo, à quo gratiam  
accipit, grauida transfundit in Ioan-  
nem suum amorem: vnde ipse  
Ioannes pulchrior euadat.

Emblema 4.

*Implet plena suo te rore.*

1. Luna plena, è quâ
2. Gutta roris in hiantem
3. Concham influit, vnde
4. Margaritum concrefcit.
1. B. Virgo Christo pragnans omnem excipit gra-  
tia copiam, vnde

C

2 Lacrymas

2. *Lacryma amoris Virginei pignus, & testis  
Stillat in*
3. *Ioannem avidum tam eximij doni, unde*
4. *Pulchrâ uti gemmâ exornetur, & pulchrior  
evadat à Dei gratiâ.*

*Sapphicum.*

**P**lena iam Solis radijs, & auro  
Luna roranti liquidum sub imbrî  
Stillat argentum, teres unde conchæ  
Vaio gemmat.

N O T Æ.

1. Luna ubi ex aduerso Solem adspicit, & eius radios toto sinu excipit; sua cornua colligit, & tum in plenum capit, & sese refingit: Vnde clarior cæteris astris præradiat, & lucem suam unâ cum rore in circumstantem sibi terram refundit: Sic & B. Virgo vna omnem omnium Sanctorum splendorem longe exsuperat, cum sit solis sui speculum sine macula, qua lumen, uti Luna transmittit, idque in alios è terrâ patet, atque adeo in ipsum sibi iam proximum tum genere, tum sanctitate Ioannem, sed filij sui beneficio, transfundit.

2. Luna Alcmani mater roris dicitur, præsertim sereno cælo: Ipsa enim frigidum est sidus, quod solis astus, & inde siticulosam terram, quem furtim inde elicit, vel gignit, humore temperat.

3. Si vero ros in margaritifera incidat concham, uti evenit in mari rubro, Persico, Indico, & Americo, tum in unionem decorum maris donum  
(granum)

( *granum vocat Tertul.* ) nobili gelu concrefcit, in  
 opulentiæ maritima pretium, & concha ornamentum.  
 Idipsum dixerim de magnæ Virginis in Ioannē ca-  
 leſti gratiâ, quæ illi miram animi conciliet pulchri-  
 tudinem, & ſingulari ſanctimonie beneficio illuſtres.  
 Nec meo id ſenſu, ſed eximij Doctõris è ſententiâ,  
 quem velim, ſilubeat, audias. Ambroſium dico in  
 Luca c. 1.: Et vnde hoc mihi, vt mater Domini  
 mei veniat ad me? hoc eſt, quantum bonum  
 mihi accidit, vt mater Domini mei veniat ad  
 me? miraculum ſentio, cognoſco myſterium:  
 Mater Domini Verbo fœta, Deo plena eſt. Et  
 paulo poſt: Non enim ſola familiaritatis cauſa eſt,  
 quod diu manſit, ſed etiam tanti vatis profectus.  
 Nam ſi primo ingreſſu tantus profectus exiſtit,  
 vt ad ſalutationem MARIÆ exultaret infans in  
 utero, repleretur Spiritu Sancto mater infan-  
 tis: quantum putamus vſu temporis Sanctæ  
 MARIÆ addidiſſe præſentiam, &c.

4. Vide quæ paſſim interpretes de margaritâ pre-  
 vioſâ Evangelica adſerant. Quæ poſſis band inconcinne  
 huic aptare ſymbolo. Et Salmeron in parabolis pulchre  
 explicat.

**Ioannes vox in utero, quod Matri Dei  
 Gabriel, id ipſe Puerò Aue accinit,  
 & cum ſuâ matre comiter ſalutat.**

C g

Imago.